

# Sekhukhune News

Kgatišobaka ya go ikgetha ya Pušoselegae ya selete sa Sekhukhune

## LETŠATŠI LA MANDELA MO SDM

Seripa sa pele sa 2017/2018

AGOSTOSE 2017

**KITIMELA THUTO YA  
NGWANA WA MO-AFRIKA**

**TIRELO YA  
SEGOPOTŠO  
LEBITLENG  
LA MANCHE  
MASEMOLA**

**DINTLHA KA  
LETŠATŠI  
LA MANDELA**





## Borulaganyi



### Molaodi wa Pušoselegae

Norah T. Maseko ...

Go na le ditiragalo tše tharo tša go ikgetha tšeo di neeletšano go diša ka fao di kgwathilego badudi ba Sekhukhune, bo rakgwebo le mafapa a mmušo manong a go fetola boemo bja lephelo bja badudi le dikgahlego tša bona.

Meketeko yeo e amanywago le letšatši Tate Nelson Mandela, mokitimo wa go kgobokeletša mašelang a boingwadišo bja dithuto tšeo diphagameng le phuthegokgoparara ya go hlompha mohwelatumelo Manche Masemola di tlišitše mmogo badudi ba Sekhukhune ka tsela yeo e ikgethilego. Ke ka lebaka leo re ikgafetšego go le hlagišetša kgatišobaka yeo e ikgethilego ya ditiragalo tše.

Nakong ya go ya kgatišong Pušoselegae ya selete sa Sekhukhune e bile benggae go ditiragalo tša go swana le Mošireletši wa setšhaba wa Afrika-borwa le gore yona nakong ye re itemogetše go ya badimong ga Morena Ronnie Mamoepa yeo e be go ele setswerere sa merero ya dikgokagano. Therešo ke gore ditirelo tša dikgokagano tša mmušo di lahlegetšwe wo šoro ka go robala ga senatla se seo medu ya gagwe e latišišwago gotšwa go Batau ba Marishane gona fa seleteng sa gešu. Phelegetšong ya gagwe re re Robala ka khutšo Tau ya Tswako.

Diemo tšeo di ikgethilego tša malapa a go itlhokela ao a hlegilego gotšwa go meketeko ya letšatši la boditšhabatšhaba la Mandela ga se a hwetšwa ka go phopholetšwa leswiswing, efela ke ditšweletšwa tša dikopano tšeo Ramotsephethiši a rerišanego le ditšhaba go rarolla ditlotlo tša ditirelo tša go

swana le meetsetšeo di šitelago setšhaba. Mo setšhabeng sa Phokwane elego mehlala go metsemabapi, tummelano e fihleletšwe ke setšhaba morago ga go lemoga gore mothopo wa meetse wa Flag Boshielo o pšeele elego sešupo sa phetogo ya leratadima elgo seo se akgofišitšego sephetho sa gore meetse a gotšwa De Hoop a tla ba karolo ya tharollo ya pharela ye. Ntlha ya go tsošološa melete ya meets ke yennngwe ya mekgwa yeo e fihlelelegago bonolo yeo e ukangwago go namolela setšhaba dinaleng tša komelelo.

Lešika leo le momaganyago ditlhokwa tša tšhoganetšo le boleng tšeo di itshamilego ka ditiragalo tšeo di swerwego seleteng sa Sekhukhune se twweletša sefahlego sa botho le go šušumetša ditiro tša kwelobohloko. Ke ka lona lebaka leo re ikgokaganyago le go ikamanya le ditšhaba tša lefase go hlohleletša mašabašaba a batho ba gabo rena go tšea matsapa a go thuša go tliša diphetogo tše kaone, go direng bjalo re ba karolo ya lesolokgoparara la go dira go loka lefaseng. Kakanyokgolo ke go dira sesengwe seo se tlogo hola bao ba le go tikologong y arena ka letšatši le kgwedding ya Nelson Mandela leo le hueditšwego ke Tate Mandela ka sebele. Ka mantšu a gagwe o boletše gore: "Ye ke nako ya gore matsogo a maswa a akgofiše go rolana maima. E matsogong a gago".

Ke a leboga!  
Municipal Manager  
Norah T. Maseko

### Sehlopha sa borulaganyi

Morulaganyiphethiši : Mohumagatšana Norah T.Maseko  
Molekodi wa dingwalwa : Morena Kgopelo Phasha  
Moetapele wa sehlopha sa borulaganyi : Morena Willy Mosoma

Sehlopha sa barulaganyi : Morena Khomotso Ndhlovu Morena Mike Lekala  
Morena Percy Moagi Morena Puleng Mmotla  
Morena Berry Moreku Morena Blessing Ntini  
Morena Mathungthung Kgaleng

Mmeakanyi wa kgatišo : Mohumagatšana Ndjadji Makhafola

## CONTENTS PAGE

### Molaetša gotšwa Ramotsephethiši



PAGE  
4

### Tirelo ya segopotšo lebitleng la Manche Masemola



PAGE  
5

### Re itlama go godiša letšatši la Mandela, Ramaila



PAGE  
6-7

### Masolo a letšatši la Nelson Mandela



PAGE  
8-9

### Kitimela thuto ya ngwana wa Mo-Afrika



PAGE  
10-11



# Melaetsa gotšwa Ramotsephethiši



## LETŠATŠI LA MANDELA, PITŠO YA GO ROLA BOIMA BJA BOHLOKI

Twantshano le seemo sa bohloki seo se amago malapa a mantshi metseng ya gabo rena se hloka gore rebe le moya wa nnete wa Tate Madiba wa go fa le kwelo bohloko. Pitso go thusheng bahloki go ba metse ya seleteng sa Sekhukhune ,re bone ka ge bontshi bja batho baile ba tsenya diatla merabeng ya bona go thuša bahloki ba selete sa Sekhukhune.

Kantoro ya Ramotsephethiši e tšwetše mebileng go itemogela ka noši le go bopa karolo ya bao ba ithwelego go tsenya letsogo kimollong ya bao ba ithlokologo. Re dirile se esego ka gore ka lebaka la gore na le nako e ntši efela re be re hlohletšwa ke ntlhakemo tše tharo tša Tate Nelson Mandela elego go itokolla, go lokolla ba bangwe le go hlankela ka mehla. Re thonkgilwe ke bohlokwa bja odintlhakemo tše moo ebilego re ikhweditšego re tlamegile go tšea magato kgahlanong le bohloki mo kgwedeng ya Mandela ele sešupo sa matlafatšo ya tlabano ya rena kgahlanong le bohloki. Bohoki bo ka fetšwa bogale le go fedišwa ge re ka swarelela go ditlhokwa tša mmušo go swana le thuto, maphelo, mešome e me kaone, bosenyi le tlabologo ya metsemagae.

Tlhatlošo ya dikgoba tša mešomo ye me kaone go fokotšeng ga ditlamorago tša tlhokego ya mešomo ke yennngwe ya magato a ma kaone twantšho ya bodiidi. Ke ka lebaka leo pušoselegae

ya selete e itlamilego ka phethagalo go thekga dipeakanyo tša go hlohletša kgolo ya moruo mo dileteng le metseng yeo e gateletšwego ke bohloki ka lefapha la tša tlhobollo ya moruo.

Go lwantšhana le bohloki ga bo arogane le twantšho ya bosenyi kgahlanong le babotlana le bahloki mo setšhabeng. Gore re kgone go atiša polokego setšhabeng šedikgolo y arena e swanetše go itshama ka phedišo ya dikgaruru kgahlanong le bana le basadi. Ke ka fao re thekgago maitapišo ka moka a mmušo go lebana serokaphatla le tlhobaelo ye, go balwa le kgokagano le ba ditirelo tša sephodisa sa Afrika-borwa le mekgatlo ya setšhaba. Maphelo le boitekanelo bja bana ba gotšwa malapeng ao a gatlegilego e tšwelapele go ba tlhobaboroko go mmušo k age re leka go leka go hlatloša matsapa ao a momaganeng le meneelo ya mengatwana ya lehlapo go ban aba basetsana go netefatša gore ba dula ba le sekolong le nakong ya go bona kgwedi.

Ntwa kgahlanong le bohloki mo kgwedi ya Mandela e lomaganane le kelohlokokgolo ya mmušo elego thuto e le go seo se re hlohletšago gore re ikgokaganye le badirammogo k arena ba Hope Givers Foundation go oketšeng palo ya baithuti gore ba dule ba le dikolong go fihla mphantong wa marematlou le go oketša menyetla ya bona gore ba kgone go fihlelela dithuto tšeo di phagamego. Maitpišo a rena, ao a hlagišwago ka gare ga kgatišobaka ye ya go ikgetha, a tsepametše go oketša palo ya boingwadišo bja baithuti dithutong tšeo di phagamego, le go bula dikgoba dithutong tša mešomo ya matsogo (TVET). Tlhabollo ya selegae le tokollo ya naga e gokagantšwe le maano a go etelelepele kago le kgodišo ya tša moruo ka tirišo phetošo ya tša bolemi maikemišetšo ele go hlatloša balemi gotšwa maamong a bolemipotlana go ya legatong la go ba balemi ba tša kgwebo go kaonafatša tšhireletšego ya dijo.

Kgatišobaka ye ya go ikgetha e bolela megopolo le maikutlo a rena go rarolla ditlhobaelo tšeo di re amago tšatši ka tšatši. Ke mogwa woo o ikgethilego go tšweletša boikgafo bja boipiletšong bja go imollwa morwalo wa bohloki bjoo bo gateletšego bontšhi bja batho ba gabo rena, bjo ke bjona boipiletšo bja Mokgalabje Nelson Mandela. Ka nnete Ga gona yeo a swanago le yena!

Ga letšatši le lengwe le le lengwe ebe la go hlompha Mokgalabje Mandela.

Cllr Keamotseng Stanley Ramaila  
Ramotsephethiši

# TIRELO YA SEGOPOTŠO LEBITLENG LA MANCHE MASEMOLA



Statue of Manche Masemola at Westminster Abbey in London where similar statues of the faithful and martyrs from all parts of the world are gallantly displayed.



Ka lamorena la 06 Agostose 2017 Ramotsephethiši Cllr Keamotseng Stanley Ramaila o hlomphele taletšo gotšwa go kereke ya Anglican ya borwa bja Afrika go ba karolo ya phuthego ya badumedi setsheng seo go sona go le go lebitla la mohwelatumelo Manche Masemola. Lefelo le le goketša diketekete tša badumedi gotšwa lefaseng ka bophara. Efelare lemoga gore kanegelo ya bophelo le ditiragalo tša mohwelatumelo Manche Masemola ga se tša nwelela dikelelong tša baeti ba mono gae le mosetša. Lefaseng ka bophara kanegelo ye e tsebja bjalo ka yeo mosetsanyana wa mengwaga e lesomenne gotšwa legaeng la bahloki ba Afrika merakeng ya kua Ga-Marishane, e garošitšego matswalo a batho lefaseng ka bophara. Ke ka fao e swanetšego ke diala tšeo e dirwešitšwego ka go agelwa sehlwaseeme le go bopa karolo ya digopotšo tša bosetšhaba nageng ya Engelane. Mo seleteng sa Sekhukhune kanegelo ya Manche Masemola e tšwelapele go goketša boeti. Manche, kgaribjana ya gotšwa Ga-Sekhukhune o belegwe ka mengwageng ya bo 1913 motsaneng wa Marishane. Moruti Augustine Moeka wa kereke ya Anglican

ya tsošološo o hlomphele phuthego gola Marishane fao motswala wa Manche elego Lucia a kwelego thero ya moruti Moeka la mathomo. O ile a lakatsa gokwa thero ye mmoeletša gomme a thuma go latela dithuto ga bedi ka beke. Ka letšjhogo la gore a ka batlogela goba a gana nyalo, batswadi ba gagwe ba ile bam o ganetsa ,ge a eba kgahlanong le kganetso eo ba ile bam o galefela ba be ba moncha kotsi yeo e tserego bophelo bja gagwe.Ka la 04 Fepereware 1928 batswadi ba gagwe baile bamo isha lefelwana tsoko, ba mmoloya le go mmoloka gona fao ka sephiring. Ka Morago ga lebakanyana la letšhogo la gore ekatla ya ba motswasehlabele le yena mogolwagwe Mabule oile a hlokofala gomme a bolokwa kgauswi le lebitla la ngwanabo Manche Masemola. Mohlomphegi Ramotsephethiši Cllr Keyamotseng Stanley Ramaila le Mamomotse Minah Bahula o ile a emela mmušo ge matshweletshwele a phuthegile lebitleng la mohwelatumelo Manche Masemola, Ga-Marishane fao motlalanaga wo wa phuthego o ketikilwego go ya ka setlwaedi sa ngwaga ka ngwaga sa lamorena la mathomo la kgwedi ya Agostose.





# MASOLO A LETŠATŠI LA

# NELSON MANDELA



Ramotsephethiši wa Pušoselegae ya selete sa Sekhukhune Cllr Keyamotseng Stanley Ramaila o lotile lentšu la gagwe go ba lapa la Matlala ge ka la 18 Julae 2017 a ile a hlapetša tiragalo ribolla lekwate maikemišetšong a go aga ntlo ye mpsa yeo e holofelwago go fetšwa ka dikgwedi tše tharo. Maikemišetšo ao a go aga ntlo yeo thomile ka mafolofolo ge ramotsephethiši Cllr Keamotseng Stanley Ramaila a tšea maikarabelo a go immola lapa la bana ba ditšhuana ba bararo bawe ba senago

tšwelopele e botse dithutong tša bona. Ramotsephethiši o hweditše gore seemo se a hlobaetša ebile ba ka se kgone go ikinula bohloking bjoo. Ke ka moo ka go ya ntlo eo eile ya bapetšana le tše dingwe tša ditirelo go swana le kabo ya tša maphelo, mphiwafeela, le kabo ya ditirelo tša maphelo le tšhireletšego. Pihlelelo ya lapa le le kgoeletšo ya thusho ka ramotsephethiši e hweditše thekgo e makatšago. Ka go lelungwe molekgotlaphethiši wa tša matlotlo a porofense elego

Morena Robert Tooley o rapile boetapele bja pušoselegae ya Makhuduthamaga ka fase ga Mmamotse Cllr Minah Bahula kgoro ya tša dikgerekgere le mafarahlahla le boemedi bja motheo bja palamente le borakgwebo ba go tsebalega bjalo ka bo Masiko Maphutha ba file thekgo. Moletlo o swerwe kadi 20 Julae 2017 motsaneng wa Thabampshe ga Masemola bookelong-bja-selegae. Kgatheng ga bao ba holegilego tšatšing leo la Mandela ke ba badudi ba metsaneng ya

Makhutšo le Ga-Mampane (Eenkantan) ba ile ba fiwa dinotlelo tša ngwako wa diphaphuši tše nne go fediša tshotlego ya lapa la maloko a batho ba tshelalago, bao ba bego ba abelana le go robala ka phaphušing e tee ya ngwako wa go bupšwa ka mobu. Moletlo o o mantshitswe le lenaneo la go hlaola le go emela bao ba ilego ba holega kabelong ya ditirelo tseo ka fase ga tšhapetšo ya malekgotla a dikarolokgetho le makomiti a dikarolokgetho.





## Re itlama go godiša letšatši la Mandela, Ramaila

Ge a eme maloko a setšhaba ka lefoko gola Phokwane Phokwane Ramotsephetiši o boletše gore o tla netefatša gore pušoselegae ya selete e se key a šalela morago ge ditšhaba tša lefase di hlompha thwadi ya boditšhabatšhaba elego Tate Nelson Mandela. O boletše gore nepokgolo ya letšatši la Nelson Mandela ke go hlohleletša badudi go tšea kgato ya go fetola sebopogo sa lefase go ba lefelo le le kaone, ka go dira bjalo ele go ikamanya le lesolo la go dira go loka lefaseng. "Letšatši la boditšhabatšhaba la Nelson Mandela ke lesolo leo

le ipiletšago go batho bohle, dikgwebo le dihlopha go ikgafela tirelo ya boithaopo metsotsong ye 67 ka la 18 Julae, le matšatšing whole. Efa lefase ka kakaretšo le MaAfrika ka moka monyetla wa go hlompha boitshamo bja moPresidente wa maloba Tate Mandela. Re ipiletša go badudi go itsotsoropa tlhabanong ya ntwaga kahlanong le bohloki. Ke ka fao re kgethilego go bontšha boithaopo kgahlanong le bohumanegi go laetša go šala morago mohlala wa Madiba wa botho ka go thuša bahumanegi le go fenya leuba la bohloki" go realo Ramaila



# DINTLHA KA #MANDELA DAY LETŠATŠI

- Ngwaga ka ngwaga letšatši la 18 Julae MaAfrika-borwa le badudi ba lefase phaphare ba keteka le go hlompha letšatši la moPresidente wa rena wa maloba le thwadi ya boditšhabatšhaba Tate Nelson Mandela ka go hlaola letšatši le bjalo ka la Boditšhabatšhaba la Nelson Mandela.
- Letšatši le le amogetšwe semmušo ke mokgatlo wa ditšhabakopano kgweding ya Nofemere ka 2009 bjalo ka letšatši la boditšhabatšhaba. Mokgatlo wa ditšhabakopano o swaile ntlha ya gore go hlompha meetlo le boikgafo tirelong ya botho le go lemoga tema yeo a e kgathilego ntweng ya go lwela tokologo le go hlatloša setlwaedi sa khutšo lefaseng ka bophara".
- Maikemishetšokakaretšo a letšatši la boditšhaba la Mandela ke go hlohleletša motho mang le mang go tšea kgato go fetola lefase go ba lefelo le le kaone, ka go dira bjalo go aga lesolokgoparara la lefase. Kakanyokgolo ke go dira sesengwe go hola

baob ba hlokago thušo tikologong ya rena go latela mehlala ya Tate Nelson Mandela ka sebele. Ka mantšu a gagwe o rile: "Ke nako a gore matsogo a maswa a role boima magetleng. E matsogong a gago."

- Lesolo la letšatši la boditšhabatšhaba la Nelson Mandela le ipiletša go motho mang kapa mang, dihlopha le dikgwebo go abelana ka metsotso ye 67 ya nako ya bona ka la 18 Julae, le matšatši ao a latelago. Letšatši ke monyetla woo ka wona maAfrika-borwa le badudi ba lefase ba ikokotlelago ka maitshamo a Tate Mandela.
- Setheo sa Nelson Mandela se hlaotše moeno wa lesolo le go iša šedi go twantšho ya bohloki. Mmušo o hlohleletša MaAfrika-borwa go ikamanya le lesolo le ka dira leswao la thekgo ka go tšea nako ya bona go thekga maithaopo ka kabo ya tirelo go setšhaba.

# MPHAGO WA MOGOPOLO

- Eba sedirišwa sa diphetogo motseng wa geno letšatšing la matswalo a mohu Nelson Mandela. MoAfrika-borwa ye mongwe le yemongwe o fiwa monyetla wa go tsenya letsogo lesolong la goketeka letšatši la Mohu Tate Nelson Mandela leo le itshamilego ka go abelana metsotso e masometshelašupa yeo e tla go dira phapang le mohola goyagoile.

- Motho mang le mang, ditšhaba le dikgwebo ba ka neelana ka nako ya bona go thekga boithaopo bjoo bo direlago setšhaba. Go sa lebelelwe bonnyane bja maithaopo ao, segolothata ke go tliša diphetogo nageng ka kakaretšo – bjale ka ge Tate Mandela a dirile.

- Tate Nelson Mandela o re abetše mengwaga e masometshelašupa ya bophelo bja gagwe go ntwaga kahlanong le kgethollo le go dira kgonagatša naga ye kaone le lefase le le kaone fao go renago khutšo le šebešebe.

- Kgato yenngwe le yenngwe e thuša go fediša bodiidi, tlhokego ya mešomo le tlhalelo ya tekatekano. Ka moya wa Madiba a re thekgeng babotlana ditšhabeng tša gabo rena le go fenya bohumanegi. Nelson Mandela gave 67 years of his life to the struggle for social justice and to make the country and world a better place.

- Ka go bontšhana mabobo le tlhomphe re ka aga setšhaba se se kaone. Mmušo ka mananego le melao eo e sekametšego lehlakoreng la bahloki kabong ya ditirelo tša motheo tša maphelo, thuto, bodulo-bjatho, meetse, mohlagase le kelelatšhila go thuša kaonafatšo maphelong a MaAfrika-borwa.

- Mašeleng a thušo ya leago ke kokwane ya maitapišo a lenanego la pušo la go fediša bodiidi leo le holago MaAfrika-borwa ao a balelwago go dimilione tše masomešupa.

- Ka moka g arena re na le maikarabelo a go hlatloša tokologo le go šireletša pušo ya temokerasi yeo e akaretšago bohle e le seka sa go hlompha bophelo bja Tate Madiba.

- Bohwa bja gagwe bo tšwela pele go phela godimo ga maikemišetšo a rena a go kgonthišiša toka setšhabeng, go balwa le tlhomphe ya seriti le tokologo ya go itšweletša. Mmušo o ikemišeditše go netefatša gore MaAfrika-Borwa ka moka ka ntle le kgethollo ba iphsina ka ditokelo tšeo di lotilwego ka gare Molaotheo le pukwana ya ditokelo.




18 Julae  
metsotso ye 67



DIRA  
GOLOKA



AGA



THUŠA



Nelson  
Mandela



# Kitimela thuto ya

# ngwana wa Mo-Afrika



Ramotsephetiši wa selete sa Sekhukhune Cllr Keamotseng Stanley Ramaila le Kgoshi Boleu Rammupudu elego moetapele wa setšhaba sa Bakgaga ba Kopa gola Tafelkop seo e be go ele beng gae ba letšatši ba file makgolokgolo a batšeakarolo tlhotlo ka go ba bontšha gore ba sa na le mafolofolo a go kitima. Bona ba dirile se ka tlhologelo le maikemišetšo a go kgoboketša mašelang a thekgo go thuša bana ba dikolo tša magaeng go ikgolela sebaka sa go tsenela dithuto tšeo di phagamego. Mokibelo wa mekibokibo wa la 05 Agostose 2017 o thomile ka kabo ya difoka ka mahwibi fao Ramotsephetiši le Kgoshi Rammupudu ba lebogišitšego bakitimi ba gotšwa seleteng sa Sekhukhune bao ba fihleletšego maemo ka gare ga sehlopha sa dithwadi tše lesome tša lebelo la Comrades elego Morena Charles Tjiane. Tjiane o thopile maemo a bohloko gona lebelong leo la Comrades seo se mo dirilego ye mongwe wa dinkgwete tša maemo a godimo lebelong le la lefase. Go putseng maitapišo a gagwe Ramotsephetiši o hlohleletše Morena Tjiane ka go mo abela dieta tša go itšhudulla, lengwalotlhatse sa ditebogišo mmogo le mogopo

wa moswananoši wa go ba le leswao la lebelo la Comrades. Maitekelo a, go ya ka Ramotsephediši ke go hlohleletša Tjiane gore a ngatetše le go fihlelela dikgolo ka go lelangwe ele go goketša boramabelo ba bangwe gore ba phišagalelo ya go fihlelela maemo ao a fihletšego ke Tjiane segolothata elego go aga moya wa bonkgwete ka lebelo le lekopana leo le thomilego ka iri ya bošupa mesong. Batšeakarolo ba makgolopedi go balwa le mašumana a go thoma mengwageng e mehlano, bao botšeakarolo bja bona bo tlišitšego lethabo le kholofelo ye maatla go bao ba gogago maoto go tsenela tša boitšhidullo. Morago ga thumo ya lebelo le ka iri ya senyane batšeakarolo ba laleditšwe go itšhidulla ka tlhahlo ya boreatseba ba tša boitšhidullo. Molaetšamogolo wa letšatši o rotšwe ke Ramotsephetiši Ramaila yeo a tsebagaditšego kakanyo ya go akaretša boitšhidullo, dipapadi le boithabišo go kgoboketša mašelang go thuša bana ba ba gotšwa gola Tafelkop le



metsemabapi ya selete sa Sekhukhune. "Re rapile lesolo le ka go lemoga go hlohleletšwa ga bana gore ba ye dikilong, ka gore le ge ba tšweletše dithutong tša



marematlou ba sa lebane le ditlhotlo tša go kgopela dikgoba diyunibesithing tša go fapana fao setseka sa boingwadišo se hlokegago. Ga re nyake seemo sa go swana le se gore ebe tšhitišo ya ngwana gore a ikhweletše thuto. Ke ka fao re hlaotšego ba Hope Givers Foundation bjalo ka modiširišane wa potego yeo pušoselegae ya selete gore mmogo re kgone go phethagatša morero wa tlhabologo ya maphelo a badudi ka thuto" gwa realo Ramotsephetiši yeo emego batšeakarolo bao bas a kolobišitšwego ke dikudumela go balwa le malekgotla, batšofadi le bana.

Ge a tšea kgati gotšwa gotšwa go Ramotsephetiši Mohumagatšana Tsakani Mkhari wa Hope Givers Foundation o boletše gore thekgo ya legao go ban aba gotšwa malapeng a bahumanegi go fihlelela mabokgoni a bona le go a phethagatša, ke fao go lebeletšwe go hlatloša ditalente tša bona nepokgolo e le go hlabolla metse ya gabo bona. Moletlo wa kabo ya difoka go batšeakarolo o swerwe go ruma meketeko ya letšatši fao go amogeditšwego diala kgo ya ka menabo yeo e kitimilwego. Ba bangwe ba batšeakarolo bao ba tantšego šedi ke Thato Tshoana wa mengwaga ye šupago le Omphile Tshoana wa nywaga ye meraro bobedi ba kitimme menabo ye lesome mmogo le mmago bona Mahlako Tshoana. Ba bile tšhabadimaketše le bommamoratwa ba moletlo gomme ba ratilwe ke bohle.





# Sekhukhune District Municipality

## Political Management Team



**Council Speaker**  
Cllr Maria Manamela



**Executive Mayor**  
Cllr Stanley Ramaila



**Chief Whip**  
Cllr Tseke Lepota

## Members Mayoral Committee



MMC Corporate Services  
Cllr Alfred Matlala



MMC Budget & Treasury  
Cllr Thembekile Sihlangu



MMC Infrastructure &  
Water Services  
Cllr Mbusi Mahlangu



MMC Office of the Executive Mayor  
(Women & Gender Empowerment )  
Cllr Yvonne Mmakola



Deputy MMC  
Infrastructure & Water Services  
Cllr Lorraine Manganeng



MMC Planning & Economic  
Development  
Cllr Samson Nkosi



MMC Community Services  
Cllr Thokozile Nchabeleng



MMC Office of the Executive Mayor  
(Children, People with disabilities &  
Youth Development)  
Cllr Peter Mnisi

Private Bag X8611  
Groblersdal  
0470

3 West Street  
Groblersdal  
013 262 7300

[www.sekhukhunedistrict.gov.za](http://www.sekhukhunedistrict.gov.za)

The development-oriented leader in service delivery.



**SEKHUKHUNE**  
District Municipality